

22 JAN 2002

DR MAHATHIR RASMI HARI KERJAYA UKM 2002

BANGI, 22 Jan (Bernama) -- Perdana Menteri Datuk Seri Dr Mahathir Mohamad hari ini merasmikan Hari Kerjaya ke-20 Universiti Kebangsaan Malaysia (UKM) di Dataran Dewan Canselor Tun Abdul Razak di kampus induk UKM di sini.

Hari Kerjaya UKM yang menjadi acara tahunan sejak 1982 bertujuan memberi maklumat terkini mengenai bidang kerjaya yang ada di pasaran.

Acara tahun ini bertemakan "Pembudayaan ICT Kerjaya Berkualiti" dan akan berlangsung selama tiga hari.

Dalam kata-kata aluannya pada buku cendermata majlis itu, Dr Mahathir berkata kerajaan menggalakan segala usaha yang dilakukan oleh pihak tertentu atau individu bagi membantu atau mempersiapkan diri menempuh alam kerjaya.

"Dalam era globalisasi, penguasaan dalam bidang teknologi maklumat adalah ciri-ciri yang amat diperlukan bagi seseorang pekerja.

"Justeru, pengetahuan dalam bidang ICT yang diterapkan oleh pihak penganjur Hari Kerjaya ini adalah satu langkah yang bijak dalam memastikan mahasiswa masa kini berupaya menghadapi cabaran dan saingan di dunia kerjaya kelak," katanya.

-- BERNAMA

AFY DC NMO